

Комсомольцнрин производственн шунмгъаг өөдлүлхмн

Автотранспортн конторин комсомольск организацин кӱдлмшин тускар тооцагъан өгхлӱрн, сеглӱтр үр С. Миронов — комсомольск организацин кӱдлмш авгтан му бишӱр ясрв гиж герчлв.

Художественн самодеятельностин кружок бӱрдӱгдлӱ, олн дундин физкультурн кӱдлмш ил темдгтӱгъӱр ясрв, багъчудин чидлӱр волейболн площадк ясгддж кегдлӱ, спортивн зӱрм инвентарьмӱд хулддж авгдла. Балгъс кеерӱлгънӱ болн мод суулгългъна кӱдлмшт багъчуд шунмгъагъар орлцла, сакманд кӱдлцхӱлӱ.

Багъчудин бӱӱх бӱӱдл джиргълн авгтан шунмгъа авц авчкад, дакад дала удан болл уга багъчудин организацин кӱдлмш дорагшан унв. Художественн самодеятельностин кружок тардж одв, волейболн площадкднӱ өвсч ургъдж одв, нам комсомольск хург хурагддго болв.

Комсомольск организацин кӱдлмшт юн харш болв? Эн сурврт ВЛКСМ-н комитетин сеглӱтр үр Миронов, комитетин члед үүрмӱд Карманов, Морозов, Евженко хӱрү өгч чадцхасн уга.

— Сӱл цагт кӱдлмш тас кегддгӱн уурв, комсомольцнр нег-негнӱсн заагрсн бӱӱдл гарцхав, юн чигн тӱр хагълдж-кӱцӱлгънд комсомольск организац эврӱнн чинрӱн геев. Физкультурин кӱдлмш гарддг комитетин член үр Морозов эн кӱдлмшт кӱӱкд

орлцулхд оньган өгчӱсн уга, — гиж Кептя Надя келв. — Пропагандистнр белдхмн гисн неквриг комсомолин балгъсна комитет учртан авсн уга.

Комсомольск организац багъчудла залгълдан уга бӱӱнӱ, эдн дунд сургъмджин кӱдлмш кехш. Энӱнӱ ашднӱ АТК-н кӱдлмшчнрин 50 процентнӱ багъчуд бӱӱсн бийнӱ, комсомолд нег чигн кӱ орулдж авсн уга.

Сургъмджин кӱдлмш дегӱд сулхн болв. Олн-ӱмтн хурдг газрт комсомольцнр буру йовдлмуд гаргъад бӱӱв.

Эн комсомольск организацин комитет хамг кӱдлмшиг бийнӱ кечкхӱр седӱд, комсомольцнрт даалгъвр өгн уга, багъчудла залгълдан угагъар кӱдлӱд, комсомольск актив угагъар кӱдлхӱр седснӱ уршг. Эн тоотд партийн организац оньган сулар өгв.

ВЛКСМ-н 40 джилӱ бӱн уктдж сӱн слесарь, сӱн шофер, кондуктор белдхин тӱлӱ, комсомольск автобус бӱрдӱх дӱрлдӱ кех шиддвр хург авб. Комсомольск дотр дундин болн сургъмджин кӱдлмш ясрулх керг-ӱӱлдвр темдглгдв.

Комсомольск организацин комитет эврӱнн кӱдлмшӱн ямаран кевӱр активд болн багъчудт тӱшддж кӱцӱнӱ — терӱнӱс иштӱгъӱр хургт темдглгдсн тоот тӱрмӱд кӱцӱгдх зӱвтӱ.

Л. КОШЕНКО,
ВЛКСМ-н Элст балгъсна комитетин
бюрон член.